

和  
1604  
12止



門和16  
號1604  
卷12止

花隄聯吟卷一補

錢唐吳錫麒穀人

碑剔苔斑壁埽塵牘題濃墨小庵新能逃僞聘成名士  
不逐清流誤黨人菊水故應酬後代桃花或恐是前身  
吳宮羅綺飄零盡占得年年此地春

婦孺猶知才子名宵人讒搆洗難清只今溘浦悲司戶  
終古離騷痛屈平白版舊廬空想像青衫餘泪賸分明  
不須更奏招魂曲久已如如悟此生

自分虞翻骨相奇但耽詩酒不求知一場爨弄呢呢語  
二月春愁悵悵詞插柳誰澆寒食墓種花重拜夕陽祠

解元猶賸頭銜在第一酬恩是主司

夢墨沈埋暗漆燈奉香畱置白頭僧豈煩衣鉢傳初祖  
其愛圖書證上乘舊侶宛教聯白社與祝文二狂名從此壓青藤春風更約看花去莫訝尋源到武陵

元和汪廷楷悔人

才子爲官少俗塵尋詩北郭履綦新早馳日下無雙譽  
來弔風流第一人馬已羣空收駿骨劍因藏久識龍身  
漫嗟黃土長埋玉也荷琴堂雨露春

豹畱皮去士畱名不礙微雲點太清酣醉真同阮主簿  
錮冤誰是竇游平畫師妙技兼三絕狂客芳蹤比四明

賸有荒祠銜夕照蒼煙漠漠土花生

慰爾平生福命奇憐才曠世得心知一杯澆土劉伶酒  
千里傷春宋玉詞鬪鴨闌空高士宅停雲館近故人祠  
碧桃種亦來天上花發還教玉女司

葉埽西風菌閣燈一編藏合付山僧門才又振衣冠族  
詩品重分大小乘孫令文章金擲地王家書格石懸藤  
名公嘉藻應千古慚愧蹒跚學桂陵

吳縣汪畱堦蓮亭

名士曾無簿領塵詠詩感舊句清新桃花滿隄懷吟客  
蘭若重題信雅人香艸長依三楚地繁英愛近六如身

一灣流水清如許也似僊源歲歲春  
遺碑曾勒解元名地近吳趨風俗清僊骨好將禪榻伴  
深情不使墓田平鶯啼春色三分淺日落高樓一角明  
豈獨薜蘿堪竝植畹蘭堂下也羅生  
區區遇合命何奇三百年來得後口樹聽蕭蕭尋古道  
詩吟悵悵愛清詞芷蘭有真推華胄翁媪無人孰守祠  
知否僊詭經度朔變成間喚歲星司  
妙參儒釋竝傳燈色相空如入定僧可向橫塘疑冢訪  
試將古渡小舟乘心傷快友梭殘碣目擊荒原翦蔓藤  
儻得樵蘇同屬禁何愁千載谷爲陵

仁和王述曾木齋

僊家慣看海揚塵才子亭池幾度新千樹絳桃傳勝蹟  
一杯黃土憶詞人文章價自崇當代香火緣仍結後身  
寄語花神勤護惜好教點綴十分春

達士能存沒世名要知處世貴身清畱賓煮茗饒佳趣  
縱酒尋山寫不平吳下千秋誇境勝河陽滿縣倍花明  
辦香難得心同契數百年猶識此生

得失無端數也奇古人心迹幾人知侯門恥逐三千客  
玩世曾無百一詞文室同新工部閣名香親熟子瞻祠  
豐碑綠字金闈路豔說唐侯重典司

廿載家居守一燈  
桃花多處問山僧  
祀同短簿歸初地  
詩愛長沙入上乘  
雅影黑翻三徑雨  
夕陽紅護半籬藤  
名流好事真難遇  
敢說僊源在武陵

張騏伯治

纔卸征衣劍外塵

騏從軍蜀中近甫歸里

叢祠乍仰喜重新讀書

皆欲尊先輩  
知己誰能託後人名士最難傳  
異代宰官或竟是前身  
羨他一片桃花水  
從此長沾有腳春  
當年落拓浪傳名  
畢竟猶存骨格清  
混跡真同嵇叔夜  
辯人更少竇游平生  
無知己珠投暗墓亦風流  
花倍明三尺豐碑垂不朽  
解元何足傲先生

興廢無常數亦奇  
前賢心事後賢知  
九原應作蓉城主  
奕世猶徵楚些詞  
半偈好依黃面佛  
瓣香合配白公祠  
當時盛事傳吳會  
嘖嘖爭聽譽有司

曾記看書借佛燈

騏曾讀書京師玉泉庵

偶來花隴又逢僧  
緇袍

交冷思前句托鉢人疑走  
下乘籠壁有碑頻  
榻石出墻無樹不扶藤  
興懷莫漫悲陳迹  
應訝茅庵勝武陵

南昌萬啟場

興廢因緣等劫塵  
眼中祠舊與祠新  
孤寒久望千間廈  
按獵先崇奕代人  
畫聖豈能該達士  
醉侯未足悟前身  
至今萬樹花如錦  
曾對神僊不計春

聲價何爭一解名最難世濁已猶清獨將六法傳微旨  
時以孤吟寄不平僊籍格超通籍上前賢心許後賢明  
子雲投閣中郎戮足與先生證畢生  
三百年來說數奇後先輝映盡人知屋鄰白傅新營墅  
地記青邱絕妙詞墓州綠平章氏址野花紅近杜公祠  
河陽滿縣春明媚到處栽培譽有司  
照我真如有智燈欲尋勝蹟問僧半龕舊雨聯僊館  
一瓣心香悟佛乘未茸名祠先補樹欲登古閣且攀藤  
京賢難得平江宰如此芬芳勝虎陵

吳縣孫延壽之

勝事流傳到軟塵百年祠宇又重新

楊梅溪述於京寓

不教衰

艸埋荒宅要使桃花識主人一鵝斜陽絳管地滿杯明  
月獻吟身吾來下拜隨屐履暢好風光遲冶春

漫說行藏類徇名監於止水獨心清自憐泣路同狂阮  
人比歸山羨子平乞食院門春夢短定禪木榻夜燈明  
掃除欲盡粗豪氣會指浮漚況此生

歷劫才人運自奇尚餘軼事幾人知影雷黛筆傳千里

秋庵 泗馬 汨灑黃金辨一詞 旭亭 短碣橫塘尋故冢小橋流

水枕新祠從今因護勞賢宰香火行分兩地司

倦館玲瓏貯佛燈焚香掃地屬殘僧遺編雅已按叢篋

妙墨都應照大乘千點落花同薦醑幾家蓋瓦尚垂藤  
或以文祝漸余悵望巫門道幸得偷閒向杜陵  
方同淵  
二祠繼請  
訪巫門  
大豕

吳江徐達源山民

陽口桃花漾麴塵當年庵主結廬新世皆欲殺成奇獄  
狂不能容笑庶人窮老江湖安酒國飄零詞賦賸閒身  
讀書樓好今如昨占得吳邊一段春

黃童白叟盡知名唱出僊歌分外清放誕未妨同阮籍  
升沈何必問君平千秋餘技留詩畫一點禪心證妙明  
鴻爪雪泥渾不是  
祝京兆墓志云其於應世文字不甚措意謂後世知我不在是先生

畢竟可憐生

未必才高命總奇流風異代自相知特將完璧留僊骨  
更與招魂讀楚詞廬墓有心調薄奉煙花無數認新祠  
使君古義誰能及莫是前身韋左司

荒荒粟主守昏燈

源曾脩葺侯齋先生祠於天平山麓

消息頻年問老僧

謂白雲庵住持

古苑鶯花誰作主短垣風雪又相乘從教山鬼

窺蓬戶一任飢饉走亂藤獨有唐風歌杖杜自慙宮體  
繼徐陵

吳江沈翹木庵

迴然出世寄微塵賸有芊芊艸色新丙舍一燈明古佛

桃花幾樹種僊人可憐酒債尋常事依舊吟魂自在身  
讀罷斷碑空飲恨關風長雨又殘春

飄零休復問題名卅載佯狂濁亦清絃管場中搬傀儡  
綺羅隊裏送生平逢人漫說都元敬知己空憐祝允明  
一種無情怨謠詠聲鶉鴉哭先生

遇合生前縱數奇還於死後得真知白雲管領牛眠地  
赤理叢殘幼婦詞小築山泉分鶴俸傾城仕女拜僊祠  
卻看殘月曉風處僊掌何人與典司

借得長明一盞燈龕同彌勒守山僧落花空自飄三徑  
公案憑誰叩上乘九鯉有僊難乞夢十年憐我漫支藤

前曾同唐竹書山人過此故人幾度催游興徐山民待詔約無奈相

如臥茂陵

吳江呂 英 湘漁

艸堂何處問前塵傳是賢侯式廓新翦棘應悲埋駿骨  
買絲還欲繡才人花憐雅興開霞徑石最風流見電身  
一段因緣鑄韻事頓教幽閤照和春

穢跡逃名終誤名微雲舒卷任空清談詩狂挽銀河落  
縱酒愁澆秦嶽平絃管霏香深院靜煙雲放筆小窗明  
殘膏賸墨依然在九鯉僊緣夢一生

不是沈淪數卽奇誰教名姓婦童知美人酣泥英雄路



金粉淋漓跌宕詞曠代大書標士墓千秋乞與號僊祠  
烏巾玉帶文章伯香案遮須合左司

一瓣名香照法燈雲房正合伴間僧六如證得空王果  
三友同參般若乘兜率有宮歸白傅山陰無主哭青藤  
相欽風雅廉能宰詠徧蒼苔護繡陵

唐在簡  
竹書

桃花老屋墮承塵生面重開點綴新非種當門鉏惡艸  
牽蘿補屋貯僊人銷除無限繁華夢現出平生風月身  
萬樹紅酣千日酒更於何處覓陽春  
一瓣心香佛授名六如夙悟去來清仇原瑣碎何須校

文到新奇便不平捨宅雲山難位置著身圖畫最神明  
春風花雨開蘭若聊當先生面目生

浪跡江湖委數奇傷心一點落花知故人寫照傳碑誌  
僊吏臨風作弔詞何必子孫奉家祭卻勞婦孺說僊祠  
甘棠遺愛他年繼從此烝嘗自有司

一龕香火佛前燈管領春秋屬老僧身在下風知義舉  
輪扶大雅況宗乘家乘載居士為七世從極憐手澤存  
湘篋高曾祖父四世遺稟未經付刊忍見雲煙寫剡藤家藏居邱壟而  
今樵采禁全家展拜到松陵

休寧  
吳霈  
詩香

樓臺興廢愴煙塵寂寂荒阡跡又新一世殉他花裏酒  
二吳埽盡眼中人青山紅粉間畱橐稻衲田衣幻寄身  
前度客來消悵惘香風吹暖九原春

初心那欲博狂名狂極方能保潔清罵座歸時青笠穩  
落花飛處暮雲平綺羅異代春猶豔謠詠當年獄未明  
贏得鐘魚支末路喃喃向佛問前生

名高漫歎數多奇究竟能邀隔世知金粉地鈔才子賦  
瀟湘人續大招詞夕陽匝陽紅連市新漲平池綠到祠  
從此短碑三尺土好春長倩碧桃司

文采千秋續此燈尋幽來伴倚樓僧乞花烹水愁堪破  
讀畫評山興可乘雨雪狂澆蕭寺酒琳瑯爭撮剡溪藤  
一杯芳艸青於黛莫向東風夢灞陵

吳縣陶亮采 敦堂

不是山林也絕塵艸堂小築一番新鶴談梅夢畱遺社  
縱酒看花有後人結屋追陪無俗客閉門瀟灑住吟身  
緋桃朶朶紅雲麗占盡僊源洞裏春

三友高軒海內名羨君心跡水同清書空咄咄憐殷浩  
感遇年年老屈平半夜酒酣人話舊一簾花好眼添明  
家貧漫說無餘地到底江山筆下生

才人潦倒數何奇放浪情懷曠代知紅袖伴人間作畫

烏絲界紙好填詞當年已譜游僊夢今日同傳少傅祠  
小隄春深頻指點殘碑斷碣有專司

喬臯過訪賸殘燈舊館重來識老僧四姓神僊人可作  
三春花月興同乘攜書束帶攀庭艸賭酒銜杯臥古藤  
地下有知應感激為傳遺稿滿湘陵

吳江屠 挾菽莊

蕉鹿功名付劫塵空餘才筆鬪清新拚同竹葉聯知己  
贏得桃花喚主人粉黛未妨銷傲骨湖山只合著閒身  
數椽祠宇斜陽裏俎豆於今歷幾春

朱邱何因慕盛名遯歸心跡卻雙清塵生梁苑人誰在  
賦就蕪城恨未平才士散僊同去住斷紈零墨寄聰明  
只緣驚破華胥夢分付煙霞過一生

一第成名亦數奇用初白句卻於身後結心知感時那禁唐  
衢哭弔古曾煩宋玉詞難得臯僊逢遠胄又分鶴俸昔  
荒祠彩箋傳到驚人句真箇風流繼左司

蕭然吟榻對書燈公案須尋白足僧此日辦香雷一脈  
當年貝葉悟三乘殘碑雨過添青蘚小院春歸放紫藤  
風月鱸鄉今不改仍煩文獻訂松陵

吳江 陳佐堯 攬洲

浮生泡影寄風塵賸有才華歷劫新今日青山埋醉骨

當時紅粉識詩人分來螺墨傳奇夢種得僊桃伴此身  
一曲清溪數間屋金閨常占綺羅春

佯狂獨白保身名心跡西江水共清冤獄幾教流太白  
愛才未許學東平纔陪筵讌姦能辨得脫樊籠見亦明  
莫但求之詩與畫要從大節識先生

潦倒窮途命亦奇才名贏得後人知繪圖好倩長康手

汪澣雲宋枝山吳竹虛諸公皆有圖題壁先傳崔顥詞唬鳥數聲催落日

間雲一切護新祠商邱已往公為繼俎豆更番有主司

垂老寒窗午夜燈昔年曾作在家僧誦書空受名場累

慧業期將寶筏乘冒聽殘編銷劫火尚餘斷碣絆枯藤

艸堂故址重修葺一瓣清香拜杜陵

元和李曾祐雲莊

卜築當年本絕塵茅庵重闢一番新桃花依舊渾無主  
才子從今又有人嘯傲溪邊悲往事壺觴石畔悟前身

題將炳字雷僊蹟綠樹鶯啼滿隴春

學圃曾傳舊額名艸堂竹石尚餘清醉鄉也自憐王績  
澤畔重來吊屈平舊日風煙猶想像數家圖畫自分明

重葺後諸名流皆有圖長教此地增新色牆角殘梅次第生

卻金早識命多奇絕世才華身後知墓掩青山人問畫  
艸封黃土世傳詞淒涼幾廢張融宅蕪穢空憐文靖祠

僊吏不來應悵望唐家池館倩誰司

歸來夜夜剔銀燈時予初歸和我鐘聲有寺僧天寧寺偶祀

新詩延客賞不知清興共誰乘飄飄僊意臨風樹寂寂

花陰繞澗藤市隱如公真絕俗同仲子學於陵謂陳仲醇

吳縣董國華琴南

十笏香茅愴劫塵特開僊館蹟重新為披宿艸尋才子

要替桃花問主人珍惜再編居士集護持三見宰官身

胡太守纘宗宋中丞漫堂去後論風雅寂寞吳閭一百春

當年都穆忌高名幾使浮雲滓太清半世酒壚聊作達

此心碁局未能平文章落筆成豪蕩書畫通禪入妙明

辭去驕王真特識唐衢原不是狂生

豈徒生世本艱奇才大難期流俗知一代甲科遺此客

千場花月供新詞曾從洗硯尋荒沼碧鳳坊南有居士洗硯池今不可復

跡矣還悵停雲廢舊祠文待詔祠後向設主絕似樊川春二

月美人爭弔杜分司墓在準提庵側春時士女踏青多至其地

小樓曾炷讀書燈香火因緣證老僧四友才皆高一世

居士與文衡山祝六如偈獨悟初乘家風寥落餘蘭譜

遺像清臞騰雪藤應是英靈通曠代故教藏弄託王陵

華從王君介堂假得居士小像及家乘一卷

金華朱標介泉

桃源本自遠風塵潘令添裁分外新如此愛才真似命  
當時同姓豈無人感深應下重泉淚名亞還疑再世身  
移得武陵千萬樹果然有脚是陽春

酒僊畫史最知名走馬吟來韻更清筆底露垂文共賞  
斗間星暗恨難平百年早定逢王果三顧何曾羨孔明  
莫道天桃花事去瑤池分種定長生

天與多才命太奇招魂地下可能知別開生面桃花館  
愛讀遺編柳絮詞柳絮一簾風居士桃花庵句樵采休經高士壟湖  
山應勝散人祠此間長有紅雲護不獨虛星夜夜司

老來慧業悟傳燈爭話前朝有老僧作教那須煩傅亮  
摘華原自過枚乘詩蒐全集歸黎棗論定千秋斬葛藤  
從此春風依舊笑紅綃翦出冠金陵

海鹽蔡人麟嘯巖

三千世界碎微塵仙館重聞卜築新一代風流傳野史  
百年俎豆有同人菩提好種生前樹色相猶畱劫後身  
從此桃花看不盡梵王宮殿也生春

殘碑剝落舊題名再拜高風獨醒清幸免逆藩株禁網  
翻因豎子望廷平幾回宿艸春風冷依舊高樓夜月明  
悵悵詞成公案在好從白骨證三生

誰把文章挽數奇無端曠代忽心知宰官身是重來客

仙令詩成絕妙詞清署簿書閒永晝前因香火結新祠  
韓陵寫出從人看大有聲名壓左司

名蓋勝蹟指傳燈往事興衰問老僧澆酒地纔分十笏  
看花人解演三乘風前梵唄時翻笑雨後扶留欲長藤  
記得當時舊游路綠陰深處聽迦陵

黃均香壽

絳桃樹樹散香塵弔古重來眼界新才子聲華寧沒世  
宰官風雅邁前人休持麥飯疑杯土自有文章託後身  
此日爭傳題壁句敢將下里和陽春

斷碣猶題虎榜名庵居風月尚雙清湖山放廢悲前事  
詩酒襟懷寄不平何以丹青輕待詔恨無功業竝陽明  
張張詞裏黃金淚公案分明定一生

文人遇合數偏奇身後居然獲素知如以唐衢傳痛哭  
卻同宋玉著新詞地分澆酒懷前哲人約看花憶舊祠  
記向春來問仙館重重鎖鑰有專司

夢墨亭空虛夜燈掃除并付寺中僧貂客寄無窮興  
玉版禪參最上乘階下雨餘紫細艸墻陰風靜蔓寒藤  
桃花自是仙人種爛漫渾疑在武陵

吳縣李福子仙

清才瀟灑出風塵籍籍聲華歷劫新片羽吉光留畫本

兒童婦女識傳人墓前荒艸埋殘碣館裏桃花認後身  
一自河陽城散錦滿林雨露更逢春  
射隼高墉為得名濁流難浼一身清唐衢獻賦人多忌  
李白佯狂獄不平百盞酣餘澆傀儡千山蹋徧悟空明  
只嗟有願酬知己竟未成書共此生  
絕世文章歎數奇翻教千載契心知城南況合名流譜  
吳下爭傳郢客詞鏡水滄浪添舊蹟瓣香蘇白配新祠  
一卮春酒從今薦分付宗人善典司  
此間曾有讀書燈往事難教問老僧知是先生空四偈  
可容弟子悟三乘階前日影遲花隴壁上詩篇貴剡藤  
我怕滿身紅雨著擬消結習證迦陵

華亭 張興鏞 遠春

一抔海內渺微塵陳迹難期歷劫新世法挈花皈淨土  
佳緣難艸得宗人功名末路籜羊感詩酒窮年塞馬身  
畢竟風流能不滅天教有脚轉陽春

少日旗亭最有名青衫白髮太淒清畫中山好貧難賣  
鏡裏眉愁慰不平繡佛功夫歸夢幻灌園心事怕分明  
立錐漫笑無餘地寒食新煙傍冢生  
身宮磨蝎數何奇姓氏翻令婦孺知死豈蘭臺慳載筆  
生憐柳巷搗彈詞疏泉清引湘江脈薦菊芳傳甫里祠



地下有靈增感喟此中祿命更誰司  
燕子龕中朗佛燈頻添洒埽屬殘僧一番紅雨春風醉  
十日新潮畫舫乘異代菟裘成勝槩同時綵筆寫溪藤  
只疑隔鴈斜陽景賺取遊人認武陵

秀水汪大經秋白

廣寒仙忽降紅塵羣豔才名奪解新天與聰明真絕世  
古稱放誕少斯人判無宮錦胎生命種有庵桃劫後身  
魂魄諒應長戀此年年開報隔牆春

青山埋骨豈埋名長對芙蓉濯水清好色賦聊思宋玉  
稽疑卦嬾問君平計逃鴻網毫無累放看鶯花眼最明  
亦有朱衣金目舞同時不數太狂生

從來慧業數偏奇稗史風流事莫知賺世乩仙多諛跡  
攔街盲女慣彈詞尋芳路不迷秦洞點筆人將例晉祠  
春薦蘋蘩秋薦菊倘虛香火我能司

破屋重然一穗燈放包僧即打包僧春雲冷覆花如夢  
舊雨宵歸月共乘為慨詞華沒黃卷獨遺墨妙哭青藤  
謂徐佯狂甘逐吹簫侶羞跨花驄騁五陵

吳縣朱兆甲月舟

欲訪殘碑袖拂塵散仙舊宇忽增新好花似識曾來客  
好鳥頻啼可惜人風月長教留粉本鐘魚終古送閒身

揉藍一水闌門道流到門前約住春

不使絲津獨擅名吳儂愛說長官清尋常花柳開顏笑  
淪落章縫怒氣平愛士心於間處熱憐才眼比古人明  
蟠桃原是公門種盡向湖山勝地生

無不奇斯無不奇天池賴有石公知江南江北談新政  
湘艸湘花入麗詞載酒重澆和靖墓問桃定訪曼卿祠  
萬花巖畔芙蓉放不是仙才若箇司

千佛名經續一燈解元衣鉢勝傳僧花田儘許游人翫  
傑閣爭看秀士乘令甲觀風登棧樸園丁埽徑翦瓜藤  
家家盡握崑山玉銀管生花續醴陵

長洲張思孝蓮室

地僻禪林閱劫塵誅茅穿徑古祠新久湮勝跡為陳跡  
可識才人是恨人亭構名賢成往事花栽僊令證前身  
亂紅深處尋芳陽妙境疑分玉洞春

逃名偏使得狂名叢誦誰從辨濁清書誚買山交久絕

徐迪功詞誣銘墓憤難平祝京兆銘片縑趙璧空求亟斷碣韓

陵孰辨明泡影早時成覺悟一龕彌勒託三生

休為童烏運歎奇偏逢世裔結深知長洲恰得僊人館  
翠石新題幼婦詞披棘客曾沿野水尋芳春又滿邨祠  
最憐菱嫗難重問空羨陶家辟里司

名士林廬半佛燈此身甘號紫琳僧鴻飛每著空中點  
鶴返終依最上乘遺蹟從來爭志記荒邱幾見薤榛藤  
何須文藻悲搖落懷古詩傳感杜陵

華亭馬崇湘洲

絳桃花陽憶芳塵古墓重扶片碣新風月當年娛此地  
文章曠代屬斯人明珠薏苡遭多口秋水菰蒲穩寄身  
惆悵夕陽蕭瑟裏幾回酌酒對殘春  
領袖金泥千佛名才華詎愧列西清落花如命由來薄  
棋局中心最不平側帽徵歌紅燭暗蘸襟題句綠窗明  
蘇臺多少青山色未覺投閒負此生

生逢磨竭命殊奇蹤跡煙花隊裏知蓑袂笠簷胥口舫  
曉風殘月柳家詞忍教落葉堆荒冢又見傳芭拜古祠  
滿目寒畦培杞菊烝嘗洒掃有專司  
窗銜好月壁銜燈山館紆迴恰伴僧僊骨不隨蒼柏蛻  
詩魂應共白雲乘捧來珠玉珍懷袖攜得松醪策古藤  
整頓騷壇傳來筆佛花片片護迦陵

震澤楊復古慧樓

曠世才華已隔塵雪泥留印又翻新風流雅擅無雙譽  
秋牖空標第一人紅雨亂飛松菊徑青山長瘞薜蘿身  
桃花萬樹知何處莫問當年滿院春

花隱聯吟  
溷跡曾馳放浪名行吟誰識屈原清竭來僊令碑重勒  
記取詞人墓未平華表千年春夢短孤墳三尺夕陽明  
從今父老須勤護紫骨休教州蔓生  
潦倒生前歎數奇偏於異代得心知為刊蕭館叢殘藁  
還賁琴堂絕妙詞灌莽幾尋柳季壟寒泉新薦水僊祠  
能詩有例來西掖畫戟清香繼左司  
佳城開後燼魚燈萬事成空欲問僧花柳情牽憐雨散  
蓬萊歸去久風乘瓊芳更與寧湘芷墨妙無須弔剡藤  
省識詩魂迷蜨夢暮霞猶自映青陵

吳縣盧元琛湘槎

亭臺淪落浣輕塵仙吏重開手澤新四面湖山添畫本  
三吳風月伴才人疎鐘野梵栖鴉院芳艸斜陽化蜨身  
嵇阮清狂同結習酒尊狼藉甕頭春  
逃禪玩世棄浮名物外何妨我獨清苔徑夢殘飛絮亂  
畫闌天遠暮煙平絕憐豔骨眠雲冷空見花枝照眼明  
蓑屐風流歎銷歇青袍不信誤儒生  
放浪形骸感遇奇憐才無復世人知紫雲簫譜游仙句  
白練蓑書幼婦詞羅綺千秋追韻事鶯花三月記叢祠  
定教香案為前吏天上旌幢玉女司  
仙館時然古佛燈於今勝地屬山僧徒驚逝水消前劫

誰與拈花悟上乘  
泉石常留三畝宅  
煙霞都付一枝藤  
種桃千樹饒春色  
佳境何須憶武陵

吳縣 徐應階 復堂

蒼茫異代愴音塵  
文采英英蝕愈新  
推折于今懷散吏  
芬芳終古屬騷人  
艸元已沒生前冢  
捨宅仍留劫後身  
莫歎旅霜秋信早  
桃花點染總成春

繇來奇士得狂名  
物外超然我獨清  
寥廓自翔幾易決  
網羅早觸感難平  
臥觀滄海抽帆穩  
笑揖青山放眼明  
謝卻千金聊縱酒  
那堪槭槭莫愁生

兀傲人間合數奇  
風流重賴後賢知  
繡絲隱起雙虹字  
鏤玉裝成七寶詞  
仙館圖雲披舊址  
郡齋集士賦新祠  
即今燕寢香凝詠  
又見能詩替左司

誰從過眼喻風燈  
賸有精藍訪定僧  
欲覓螺丸分九鯉  
試參貝葉悟三乘  
飄茵何處飛紅雨  
布席他時倚綠藤  
諧入弦歌徵韻事  
不徒唱和附松陵

瓊瓏仙館淨無塵  
水榭筠廊一例新  
最憶風流歸傑士  
可憐淪落是才人  
栖遲笛隴花前酒  
惻愴梧枝倦後身  
幸有名賢重拂拭  
小園枯樹轉生春

漫託疎狂負盛名  
即看蟬蛻志同清  
紉蘭為佩恐先刈  
以鳥鳴秋時不平  
俠骨如仙輕跌宕  
禪心如畫湛空明

窮年登陟尤堪羨笑傲雲山畢此生

賦命奚分偶其奇襟懷落拓總難知逢人欲贈芳芳曲  
作客猶成悵悵詞邱壑當年營小築笙竽此日擬叢祠  
頭銜合是稱居士何必調羹說鼎司

靜會楞嚴續一燈且將泡景問殘僧元談妙得無生旨  
慧業應超最上乘碧水依然留皓月懸崖幾許藉枯藤  
桃花作飯如堪悟莫向天台與武陵

南漚楊光輔心香

三尺孤墳萬斛塵翻緣垂絕得重新兒童也解呼其號  
天地何嘗廢此人長奉君為一片石可憐我亦百年身

獅林邱壑滄浪水鼎足桃花歲歲春

名垂千古為除名向曉鄰鐘鬧處清北望青山騰海湧  
西飛紅雨葬天平囊殘嘔血從頭數鏡現空花到眼明  
遮莫橫塘高馬鬣好憑碑字弔先生

四傑叢殘偶亦奇佯狂巧避外藩知君侯獨接商邱武  
士女重歌幼婦詞十集中郎垂好句千年太傅樹新祠  
異時三管書名宦不獨凝香拜左司

名心未盡讀傳燈誰遣枯如入定僧酒後蓮花還可唱  
畫中舟楫悵難乘連雲綠長緣溪樹沐雨青回補屋藤  
待詔魂唬京兆泣當年庾鮑竝徐陵

婁縣張興載 悔堂

古冢摧殘感劫塵  
庵前抔土喜重新  
豈因放誕憐才子  
直為文章惜此人  
綵筆可通江氏夢  
錦袍難起謫仙身  
空山宋歷東風晚  
認取桃花萬樹春

蕊榜爭誇第一名  
璧人標格最臞清  
自遭廢棄甘肥遯  
羞對親知訴不平  
芳艸灞陵心事負  
茶烟禪榻鬢華明  
稗官懶記當時實  
點綴風流誤後生

命薄何堪遇數奇  
高歌痛飲幾相知  
青衫潑上文君酒  
紅袖傳鈔幼婦詞  
靜愛燒丹烏斗室  
狂思賣畫走荒祠  
九原仙骨應無恙  
消受溪蘋薦有司

跣趺閒翦小窗燈  
外服儒風內梵僧  
屣脫王門歸詎易  
徒招酒丐興空乘  
佳城一閉虛題碣  
循吏頻來樂倚藤  
吟出好詩花下讀  
星虹光氣助憑陵

秀水曹基豐 鐵樵

麋城鶴市但風塵  
別有仙源出世新  
不是科名與風漢  
自來放誕屬才人  
玉皇香更虛前席  
金粟如來悟後身  
慧業有靈成繡谷  
天紅萬朵正燒春

商邱遺構舊知名  
重讀碑銘事蹟清  
不作夜郎流太白  
寧須蜀市問君平  
狂來乞食何妨詐  
曲到朝飛未易明  
把酒欲澆墳上土  
年年芳艸為誰生

夢晉無年京兆奇平生最少是心知靈根游戲嘗書字

相傳降子畏嘗盲豎傳聞解唱詞一姓後先繇絕業三高

彼此敵專祠官廚合薦胡麻飯未許溪邊女伴司

香火因緣續杜燈住持好付嬾殘僧牢騷人去餘初地

解脫功深得上乘高樹歌聲欣好鳥古牆畫本走枯藤

游人大半攜筇至擬喚江都下馬陵

華亭王 陸孟公

好事拚祛簿領塵滄浪媲美話重新多生豆爆修前果

薄命梧延惜此人詩酒作朋畸士綠燕鶯知己乞兒身

使君定屬劉郎輩不放飞花減卻春

慧業消來解首名羣集側目鶴聲清雖然放誕同民懼

幸不顛狂殺正平應世詩情偏近俚專家畫派獨超明

辟如一嚼蝟蚌後笑倒屠門太瘦生

失職無端數值奇窮途哭待後人知戴逵仙客非琴客

朝隱新詞是側詞怪石應添坡老供清泉可薦水仙祠

即他擺脫強藩禍不憤牽連在主司

亞字城邊照智燈青山分付看雲僧三條燭廢無名橐

千佛經塗最上乘宿火憑誰然冷竈鍛金從我續枯藤

行行欲挂唐瓢去繞隄紅雲記武陵

華亭 張寶鎔 花農



幾樹桃花避市塵重教幽築一番新世知衛玠言愁士  
君弔羊綏可惜人步屨要尋行樂地放衙自見宰官身  
年時記取兵趨路紅雨霏微滿隴春

江左爭誇解首名轉應被黜見心清酒人放浪狂如故  
才子沉淪恨未平愛仁糜城春艸短間登虎阜夕陽明  
阮公早識辭羅網可待窮途伊友生

遇合無媒命共奇流傳絕藝有人知水田賣盡蕭疎畫  
圜月吟成狡獪詞只賸寒烟迷短碣略依燐火閃叢祠  
辦香幸得攜琴鶴秋祭而今付所司

庵舊還垂無盡燈聊將夢墨問僧奇文自作風流賞  
逸興偏於畫舸乘詠豔誤翻金縷曲招魂合翦剡溪藤  
水邊博得蛾眉笑好比臨邛聘茂陵

墨亭新賦  
果克山房藏板

墨亭新賦

題桃花僊館

嘉定錢大昕竹汀

淵明神遊桃花源六如身住桃花鵑不是人間第一流  
難與桃花論賓主對花須把酒對酒須賦詩詩畫遊戲  
耳工拙吾不知大兒漢曼倩小兒李青蓮尸解非所好  
怕作懵懂僊前身桃花見花喜故應藏骨桃花底三春  
紅雨落紛紛只有此桃花不灰前中丞後明府封樹區  
區三尺土異代堪聯僑札交當年恥與絳灌伍明府來  
自桃花源華胄遙遙本同祖出處雖殊興趣同壘篴相  
應吾與汝歌新詩酌清醕仙不能言花應語

墨亭新賦

詩

滄州李廷敬 味莊

舊雨蕭齋致儼然清才落魄古今憐重尋勝日看花地  
又是春風醉酒天蓬島樓臺原幻境武陵谿徑只虛傳  
唐求賸有詩瓢在還待零陵手自編

南城曾 煥賓谷

青山賣盡畫圖中

誰來買我畫中山六如句也

占得荒庵地數弓昨

日清明澆酒去桃花猶向墓門紅

無錫秦 瀛小峴

善哭唐衢曠代才一生詩酒墮塵埃紙錢澆酒昏門道  
曾向桃花墓上來

吳下牽絲吏已僊卅年京兆舊同年風流劇似絲津叟  
新為桃花種墓田

仁和魏成憲 春松

遙想風流第一人王右丞夕陽芳草墓門新近從才子亭  
邊過去後桃花未了春

青山紅粉晚依僧嘯傲雲煙意氣矜誰遣蛾眉被謠詠

少卿孤負讀書燈

謂都元敬

一片韓陵記式問人傳紅杏宋尚書

漫堂中丞曾于今脩唐解元墓

下馬花無數愛說檀郎補種餘

曾將白眼避寧濠斷楮零縑品絕高一薦寒泉為宗袞

澧蘭沅芷是溪毛

陽湖 洪亮吉 稚存

桃花庵下客長眠人去花開又百年我乞茅庵向東住  
飯桃準作地行僊

南來僊令有宗風添種花枝映水紅贏得年年二三月  
美人才子弔詩翁

陽城 張敦仁 古餘

塔影遙連樹影紅桃花開向昔年叢生平坐客知常滿  
文祝猶然配兩雄

陽後青溪一曲圓轉魚蕩好墓門連正宜買作庵中地

長為詩人上冢田

金遺 孫爾準 平叔

闔閭城北荒草平鬱鬱萬古埋英靈一杯古墳不三尺  
屹然長對青山青青山正照紅霞起丙舍桃花爛如綺  
花開打墳落如雨可惜墳中人不語語者道傍一片碣  
云是前明六如宅當年座客盡豪雋祝沈張靈與文璧  
興酣縱論天下事廟堂誰獻袁絲策可憐文采照江東  
竟爾身名遺草澤奇文反招朝貴妒狂言早奪寧藩魄  
彼時忠俠疇得知表章身後誰之司賢侯族裔別吳楚  
翦珪同出龍門枝封鬣表神道丹蘄開新祠良辰肆瑤

席蕉荔陳芳蕤繪此一時盛侑以千新詩文詞磊落誰  
所作負以鼎鼎鐫豐碑芳菲滿堂悅來享儼騎赤豹從  
文螭吁嗟乎人生不遇慎勿悲中天高閣圖麒麟何如  
身後得一揚子雲一腔熱血埋不得墓門看取蒸紅雲  
近招短簿廟遙挹貞孃墳矣必定結要離鄰我來洗醜  
澆宿草作詩一弔君應聞

鳳臺胥繩武硯亭

六如居士達者流功名一折不復求僊才老作桃花主  
醉輒將花當酒籌六幕書生古僊吏墓前為贖種桃地  
花時把酒招僊魂一望紅雲莽無際桃花僊館今新開

桃花僊人去不回年年多少看花客後視今猶今視昔

嘉興汪淮小海

花開爭待三千年種桃人老不得僊如此溪山如此樹  
誇是當年踏歌處乞花還憶花下人窮泉寒極催燒春  
不知鬼蝶為誰舞尚畱畫鼓與招魂春色三分花一半  
錦繡不數花作縣夙世詞客今宰官萬里重來夢猶戀  
積劫前因那得知歌吹動地煙滿枝野燐苔濕風吹雨  
醉裏問花花不語

宋葆淳隱廨

桃花庵裏唐居士潦倒非佛亦非僊寫畫狂吟聊自適

不使人間造業錢居士日日痛飲桃花下醉來花下常  
高眠桃花還向東風笑斯人已去三百年來者無繼古  
無前何必計較貧富問我從桃花橋上過欲尋舊蹟嗟  
無緣祇有齷齪眼底事阿誰曠達曾中天營營朝莫不  
得意碌碌奔走無時間倪瓚太迂米芾顛劉伶鍤荷阮  
屐穿但得對花一壺酒不問謀生二頃田

長洲嚴壽圖拜嘉

種桃僊侶竟何之賸有荒庵與斷碑公案早知傳白骨  
生涯何敢媚青詞賞花家近長洲苑載酒人過短簿祠  
三疊霓裳三弄笛狂名欲繼牧家皮

從來野鶴性孤騫豈與羣飛誤入樊天以詩情娛李白  
人浮謗論失虞翻一生心力惟書卷萬古牢騷在酒尊  
身後才華原不掩何妨蔓草滿荒原

生前曾上孝廉船文沈齊名共拍肩滿地綠陰招屐齒  
一庭紅雨落花箋家徒四壁窮於鬼酒過三杯妙入禪  
寂寞書齋誰是問絳桃久已化成煙

先生素有憐才意况是才人共一家茅屋數廛還舊蹟  
桃花幾樹長新芽文章吾輩稱黃絹姓氏山僧護碧紗  
越燕飛時楊柳綠風前從此說長沙

吳縣何錦豈匏

千樹桃花錦不如故邨歸及好春初諸王賓客輸枚叔  
獨夜篝燈草諫書

蘇州宋元樞香南

大招作賦自瀟湘宋玉知音合讓唐紅雨半簾春夢墨  
青山一榻晝焚香重門僊館畱佳句曲徑禪房倚夕陽  
新種桃花三百樹路人都喚作甘棠

嘉定馬奕蕃杏樓

桃花幾樹傷城隈爭向神僊醉處栽地拓數弓依淨域  
人堪千古愛奇才爨桐未遇中郎賞賦鵬能無賈傅哀  
三百餘年知己少何人肯奉辦香來

昭文吳蔚光竹橋

文沈祝唐仇前朝五勝流姓名標史傳翰墨走神州自  
足風千禩寧爭土一抔故居尤豔說遺跡矧新搜隲藉  
才人顯庵緣釋氏畱桃花歸夢幻貝葉付熏脩龜屢殘  
碑泐龍蛇斷腸適夕陽空滅沒秋水共洄游鳧鷖徠從  
楚桐珪系竝周理絲臨茂苑起廢續商邨事本同閭表  
情兼近族收清釐諸戶占倏忽衆工鳩館合僊靈託祠  
分士藻羞香煙升小鼎丹采燦高桴宛到元都觀疑成  
白玉樓精神通曾爽光景發潛幽亭下嬌鳴屨林邊緩  
唱騶行人多感歎識者有歌謳不啻尋源路北如築室

謀橫塘埋骨處此後兩存不

吳縣 戴延介竹友

新祠築就薙荆榛翰墨淋漓竹石清一代風流真國士  
三吳文藻重先生旗亭紅粉樽前句游屐青山畫裏情  
更說橫塘荒冢在提壺還擬薦香蘅

長洲陶 梁鳧鄉

名場倦後掩僧扉北郭重尋夕照微不辱身推真國士  
無聲詩好有禪機妝成胡粉狂應爾拈到梧枝夢已非  
如此飄零天意惜年年紅雨打頭飛  
曲隴枝枝映綠苔河陽一例使君栽生成蘭蕙憐同祖

管領桃花讓此才恩怨未消難學佛科名何存好銜盃  
定知佳話吳趨徧盲女琵琶入唱來

題桃花僊館集先生集中句 吳縣張 榮梅汀

天將花月付閒身吟花月草屋柴門無點塵題畫鏡裏自看  
成一笑漫興第三平康巷陌倦遊人漫興第八

花與蜉蝣共成生落花第十四桃蹊李徑謝春榮落花第二十四向

來行樂東城畔落花第九今日牛羊向上行登吳王 郊臺

重到元都好賦詩落花第十一凋零草木有榮時落花第三十落

紅亂點溪流碧洲百花井竈猶存舊隱基焦山

半瓢詩藁一枝藤漫興第十消盡粗疎氣未曾漫興第五莫道腐




儒貧徹骨長洲高明府桃花浪暖錦層層題

萬樹桃花月滿天把酒對好燒銀燭覆觥船落花第五

陵昔日繁華地陵無酒無花鉏作田桃花庵歌

方外默可果堂

祠宇蕭然傷講臺桃花聞說又重栽遊人滿壁題詩弔  
詞客何年化鶴回賸粉殘縑身後貴雄心壯志成前灰  
伊余雖是逃虛者也覺佯狂事可哀



豐亭親題



不是風流不是顛也應豪傑也應僊自從解得如如法

徐山民室  
吳瓊僊 珊珊

臨口桃花化白蓮

一弓地小認家山草木荒荒夕照般試問桃花舊時面

不禁風雨也潛潛

吳中士女說新奇無數桃花有總持何必兒孫澆麥飯

天教仙令管仙祠

春風一棹記春游指點雲菴水上頭此後重過看更好

桃花紅徧讀書樓

詩

陶山弟爲吳令訪得橫塘王家邨六如居士墓蠲  
奉脩表詩以志之

長沙唐家邨菊谿

鯉僊遺蛻說荒邨泛棹菰蘆問九原理骨有無春夢客  
上墳多少夏畦孫桃花尚寫風人影薜荔難招夜月魂  
感慨才名山水重也應封樹與長存

安得重泉鐵錮棺不逢王果祇心酸萃鴟頓見煙蘿改  
歸鶴還從露電觀殷氏生洲寧有意延陵挂劍好同看  
牛羊笛裏松楸影三尺從今聳翠巒

杜荀鶴詩誰知三尺土高卻九華山

橫塘亦有六如墓竝加封識仍用桃花隴原韻

長沙唐仲冕陶山

白玉樓成隔兩塵水邨山郭幾番新未知若箇眠雲處  
想見當年荷鍤人蘭若舊藏題後碣菰蘆雅稱夢中身  
橫塘十里秋聲館合與芳園一例春

荒邱冥漠不書名訪到山橋澗水清指點青燐孤月出  
侵尋黃壤亂雲平一杯馬鬣新封大三尺雞碑小記明  
過客莫歌蒿里曲早歸兜率悟無生

菱芡重重鼎俎奇橫阡設祭暮雅知唐風賸有毛萇傳  
楚些曾無宋玉詞崇禎甲申毛子晉嘗封表之置墓田  
丙舍紀以碑今蕩然無存惜商邱中  
丞未曾地以滄桑沈斷礎人於伏臘走叢祠秋來雁稅  
從新占憑仗邨翁社媪司

文人慧業照元燈墓前碑仍題煙穗前生記老僧花臨

吟樽延客賞石湖釣艇沛吾乘城關更注千年漆松茂

長蹇百尺藤疑冢卻嗤銅雀伎空教賣履望西陵

次韻

新陽魏標霞城

神僊那得近紅塵更遣荒塗一例新遍訪蟹簾魚斷路

頻呼拾橡采菱人虛煩稗乘爭疑冢但有青山儘置身

幾樹冬青幾行字模糊煙水辨行春橋

墓田淪沒尚畱名里老猶能記憶清野水橫塘穿徑曲

斜陽荒草與人平情牽花月張三影狂愛雲山賀四明

一字博君開笑口長官今亦是書生

丁女士公察偶奇幽宮興廢或前知難尋劫後叢殘字  
莫信虞初恍惚詞蝶夢儻歸埋玉地鴻泥曾印鑄金祠  
丁寧父老防樵牧無恙松楸賴爾司

歷歷人家隱隱燈尋蹤欲問埽花僧春燕被阪山邨小

溪水平隄畫艇乘營奠有時奉碧藕看雲隨處借紅藤

儂家卜築吳淞畔莫辨張陵與趙陵張陵趙陵相傳南宋葬官人處終不

考可

吳縣沈奎見亭

六隔城闔不隔塵橫塘古蹟竝時新返魂莫問三生石  
二事爭傳兩地人北郭逍遙聊寄跡西山咫尺好藏身

先無此處風流冢孤負吳孃去踏春

秦代碑畱沒字外圖經紀載問誰清遂教開府詩貽憾

忘卻才人墓未平衢路難逢鄒曼父通天幾誤沈初明

桃花陽墓沈客子言於宋中丞表之可憐考據紛紛盛穿鑿防他地里生

荒墳零落半殘奇并少邨翁牧豎知蟹舍漁莊尋舊徑

蟲書鳥篆有疑詞忠州誰墓宣公骨采西空存太白祠

獨許桃僊畱片土采蓮兒女好專司

疑團撥盡見明燈半信虞初半訪僧才大能教山水感

心清不怕簿書乘兼收軼事操銀管也抵奇詩賦赤藤

魂氣遨游無不可古來曠達數延陵

嘉慶辛酉十月訪六如居士橫塘墓地既得紀之以詩

吳縣 吳廷翰 夢蓮

為訪六如墓鼓柩幾回尋柴門有野老西指荒草深  
草斬荆棘廢冢纍纍侵遷埋諸姓骨封土各贈金外有  
無祀者劃地墓朽棺四圍皆馬鬣陰陰松柏攢問年皆  
百載不可再摧殘就地四分奇重脩集工師僕供奔走  
使君蠲奉資挑土高其冢埋碑紀其時多栽松與柏  
仍令魏壽司守墳者魏壽舊斬石與斷木畢工晚稻熟更與立  
豐碑作記畱人讀恐經數百年復又遭樵牧重生荒草  
深尋者費推詢記取胥門外橫塘小市東王家邨下里

墓門向巽宮北顧雙橋影橫山西障空路捨俞姓田捐

券存之公

清出之地在眾墓中央若無出路惟東南角

步實四釐五毫俞氏田今在中築路以通官道

嘉慶年辛酉十月中

訪橫塘唐解元墓

廣濟 張濟鼇 監岡

湖面紅蓮尚著花  
翠舟訪古夕陽斜  
殘碑蝕土荒秋草  
老樹迎風噪晚雅  
何處定埋才子骨  
幾回徧問野人家  
橫塘空與仙源接  
疊疊雲山隔浦遮

奉次橫塘亦有六如墓並加封識仍用桃花隰原

韻

吳縣 張 榮 梅 汀

不把風流付劫塵荒塋兩地一時新高賢閱世畱遺蹟  
明府憐才到古人約略青山埋玉地寂寥黃土臥雲身  
何當也種桃千樹環繞幽宮半畝春

作達劉伶借酒名蹟唐隨處得餘清郊原此日阡誰表  
風雨經時路不平野老僅能傳舊址豐碑仍與署前明  
扁舟送客年來繫薦罷溪毛感易生

飄零百五十年奇毛子晉墓在崇禎甲申特地重新感所知載酒  
客來居士宅扶犁人識長官詞垂楊細雨沿邨路古木  
寒雅近水祠亦有疑團難剖析九壤墳墓問誰司桃花陽後

有古墓或云九壤實葬此

羅羅蟹舍照寒燈策杖來尋欲問僧幽徑漫悲青草亂  
先生已自白雲乘湖光繞湖展新畫山色迎春護瘦藤  
文采如君堪不朽千秋莫慮谷為陵

鄭向榮晴軒

傳世何須一第爭絳桃滿徑酒千甌君家賢令來湘沅  
不讓河陽獨擅名

誅茅重洗舊碑文十里橫塘半夕曛不見花園山下路  
更無人訪少卿墳

顧炳文翼雲

消受風流第一名襟懷若箇似先生種花又得逢仙吏

樹樹夭桃照眼明

杯土傳聞兩地猜橫塘重與子羽蒿萊菜花十里雙橋畔  
定有詞人載酒來

桃花鵑賦

以六如居士餘韻猶存為韻

縣試卷

周炳綸

春樹飛霞春溪皺縠弔金粉之才人訪琴書之舊  
築街衢洞達披廣路之三條世族賢良邁婁江之  
二陸松蒼菊秀祗須埽徑逢三水綠山青何必題  
橋數六爾其昔賢駐足過客停車琴書自得詩酒  
相於與人無爭爾即爾宅此閒真樂吾愛吾廬仿  
雅會於采蘭序摹逸少鬪葉  
濯錦賦擬相如  
方其偕計吏登賢書入桂林而挈領盼柳汁之沾  
裾唱王子之鬱輪茅期彙拔訝宋生之坦率蘭欲  
全鋤學士歸乎望木天而不見先生休矣幸草野



之可居言旋言歸惟桑惟梓又何求焉是之取爾  
笑拈花下之題悔納瓜田之履聽梵鐘於寺北悟  
大乘兮無門來估舶於城西謂小人其近市築成  
新隴誇吳會之才人種就穠桃傲元都之道士况  
復香同蘭茝潔比芙蓉擇木能離夫危地飛翹敢  
謝夫安輿惜已去之華年詎堪棲枳全不才之散  
植一任名樗依稀紅豆裁詩才望吳東之俊彷彿  
烏衣名里風流江左之餘爰起崇祠式昭令聞楓  
江之路非遙葑水之谿亦近烏絲作楷文待詔起  
草詞垣墨綬分曹祝京兆看花名郡共享千秋俎

豆永增北郭芳徽同分一瓣心香不墜南豐餘韻  
孰懷往哲無忝前修拓新亭於開府畱好句於商  
邱康節之行窩易改準提之梵刹空畱一樹棠梨  
冷聲聲之鷓鴣三春風月護寂寂之松楸問藥房  
與辛楣人無言兮澹沱湖蘭繞乎桂棹君不行以  
夷猶所賴名流克紹古道常敦藉藉官聲花開滿  
縣遙遙華胄李種盤根樹有鳳棲葑菲定知不棄  
門宜龍躍芻蕘亦且有言眷懷桃李之陰小草之  
依光倍切願入芝蘭之室甘棠之餘蔭常存

胡國英

唐子畏風月名流煙霞妙族證慧業於三生湧才  
思於萬斛聽牒近金閭城北路踏垂楊賃廡鄰玉  
局亭西籬編瘦竹詩紅滿圃枝頭之好鳥棲雙嫩  
綠平隄鏡面之文鱗剖六夫其襟期落拓意氣卷  
舒賦工金粉人傲簪裾第一風流締知音於夢晉  
無雙國士邀藻鑿於梁儲淨持半偈之禪心參不  
不妙悟三花之果指現如如當夫潔身藩邸匿跡  
鄉閭負羅曾之玉軸占繫柅於金車小住爲佳斜  
傍囂塵之市請從此隱閒敲剝啄之廬異震澤之  
浮家半邨半郭類武陵之泛櫂爰處爰居夫此隰

也學圃堂連密庵地邇卜祇一椽遷非三徙綠陰  
半畝碎不成坊紅雨一簾穠偏盈市曩時入夢曾  
聞賜墨之僊此夕譚詩合訪逃禪之士爾其桃枝  
夭冶桃葉紛挐移根露泥分辨煙梳豈入天台綴  
繁英兮沃若寧同露井驚濃豔兮相於闢一徑之  
芳叢人家水 夾兩邊之錦浪風景春餘勝境獨  
開高歌誰問之逸步於青蓮寄豪情於綠醞祝京  
兆錦衣作吏兩地心知程詹事玉尺掄材一生感  
奮狙公燕婢謝世外之塵緣柳絮梅梢想人間之  
雅韻彼夫雞陂訪勝鶴市探幽感琴臺之歌寂悵

蓮徑之阻修孰若此灣環花映演漾波流卻白壁  
與黃金五湖放浪遊詩筒與酒盞一座夷猶迄今  
名花半榻流水千門問準提之新築過怡老之名  
園當年幸託才人鷗波泛暖此日欣逢仙吏燕語  
迎暄倘近尋白傅之隄鶯花正鬧豈遠訪陶公之  
宅松菊猶存也哉

沈欽韓

芳隴藏春蕊宮列屋吳會之間是爲僊奧花洲則  
柳浪晨翻鶴市則簫聲夜逐采香人過雨霽千林  
讀畫天空雲飛萬軸渥丹敷豔紀花風者二十四

明鏡寫春數錦鱗者三十六此則居士之精廬而  
碩人之邁軸也伊昔子畏實賦遂初彼其異才人  
妒奇數天除惡水中之見蟹笑道上之逢驢陳起  
被刑豈爲江湖之集唐庚遭放多緣親舊之書既  
觀空於八垢乃悟偈於六如於是糟邱競築香國  
卜居臙脂覆逕金粉霑裾浣花叟江上堂開傷春  
惆悵玉谿生酒餘客散倚樹欹欵紅雨拂簾燕尾  
與落花齊捲綠蘿繞閣蜨衣偕芳草同舒花滿金  
亭煙深甫里千重錦幃媚日俱遲十斛玉塵牽風  
不起屋明金字千家拖魚尾之霞波作簾紋兩岸

泛鴨頭之水結社而吟聯皮陸自號狂生寫真則  
畫壇荆關必逢佳士筆牀閒適茶竈容與埋憂粉  
黛度厄鐘魚白足則禪參木杓青琴則課授花鉏  
翠館情長正是海棠開候鴛機夢短可堪銀燭燒  
餘桂榜除名蓮龕釋忿偕張秀才亭邊作達呼酒  
欲僊同文待詔湖上行遊偎花更韻畫又偶減寫  
短幃之丹青驢券已還卻新書於州郡粗豪之氣  
久消水月之禪試問青山歸骨白楊感秋徒增憑  
弔豈足夷猶張祐之居已廢閻德之碑誰搜河陽  
一縣之花春逢僊令石室萬山之樹古比賢侯載  
酒堪過更繁林閒之馬辨香有願重登花外之樓  
考文苑之軼事實先達之所存辭強藩之厚幣終  
高隱於邱園豈比夫鬱輪袍舞於貴宅漁陽鼓搗  
於權門卒保身而全行斯翰墨之堪論彼都穆南  
濠蔓艸久嗟月魄高啟北郭古梅堪並詩魂

唐明府重脩桃花菴碑記

吳縣城西北有桃花隴方志稱爲宋樞密章粦別業明  
唐解元寅築居於此有夢墨亭有祠祀六如居士及祝  
烹周允明文待詔徵明天啟時楊端孝大濬改準提庵  
國朝宋撫部犖重加脩葺增建才子亭得明知府胡纘  
宗題唐解元墓碑因封樹之按之墓志稱葬橫塘王家  
邨未知孰是今陶山明府爲六如居士之族來官是邨  
暇日行縣見其祠墓隳廢乃拓庵東別室移祀唐祝文  
三君像署其室曰桃花仙館出貲贖還居民侵佔墓地  
周以繚垣補種桃花數十株復建夢墨亭并輯刊六如

居士集云夫六如居士始以鄉試第一受知於首輔梁儲繼以漏試題事牽連被黜爲吏終以先識佯狂脫寧王宸濠之禍築室斯地鬻書畫以自存不脩飾詩文謂後人知我不在此識者惜之傳曰君子疾沒世而名不稱又曰將貧忽名可貨而賂又曰斲弛之士在馭之又曰不見是而無悶推六如居士拒宸濠之識之堅定當時或爲梁儲程敏政諸君子汲引得竟其用不有樹立亦當有所建白不幸爲傅灝都穆所構既耻卑官隱居求志其時若有知六如居士如漢河南守之薦賈誼安邑令之愛閔貢唐當塗令之客李白者則亦不至縱飲

隋放并不可謂以著述自見如張靈徐渭之所爲且六如居士之文之行俗人即不知之其不爲宸濠所污固灼然照耳目者於是歎明之士夫無知人薦士之明矣然六如居士卒以文酒自娛畢其世不至漢黨錮宋黨人明東林之殺身無益於國反使懷才之士杜門囊足不爲時用則又遯世無悶之學之出自天性者今世知六如居士勝於知章樞密又得族令尹脩飾其故跡以傳於後不可謂非厚幸矣吳之士今猶古也意必有才如六如居士而不見是而自放或過焉者君子躬自責其馭之失其道與陶山明府以名下士宰吳數月廉聲仁

問翕然傾服士庶又進其士之才者賢者以身教之邑之望風景從東脩自好者月異而歲不同則不僅以此舉爲登臨覽觀之勝後世必有知人論世而信吾言之不誣者明府名仲冕湖南善化人乾隆癸丑科進士特簡江蘇歷荆溪奉賢吳江令調劇茲邑云嘉慶庚申立夏前一日陽湖孫星衍撰

橫塘墓碑記

公諱寅字子畏一字伯虎號六如居士明宏治戊午南京解元以事被黜爲吏辭不就放廢終身嘗以佻狂脫宸濠禍卒葬橫塘王家邨載在志乘明末毛子晉曾脩其墓有文記之自宋商邱尚書得胡纘宗太守碑碣於桃花隴爲建祠墓而橫塘之墓無有過而問者余以同姓來宰是邑既脩葺桃花庵與其墓且相率爲詩以永其傳考橫塘舊有墓地三畝故老猶能指其邱壠不可廢也歷年已遠侵葬者樹皆合抱姑即其可釐正者栽植而題識焉墓中埋一碑墓前一碑建石亭石綽楔各一墓地僅存四分有奇以唐六如墓注名戶籍付縣中司漕吏代納其賦歲久勿替因竝記之嘉慶辛酉日南至知吳縣事長沙族裔仲冕謹記

跋

芑孫之少也聞長老議商邱宋先生脩桃花庵事以爲  
庵乃伯虎生平讀書處其墓別在橫塘可考而胡纘宗  
書唐解元墓石出於是者疑桃花隴地當闌闌或當日  
刻工在焉刻成未立而遭變入土以故未三百年復犁  
而出爾是說也徵於鄴曼父之母之義也然庵故伯虎  
與文沈諸公所嘗詠嘯流連既歌於是又哭於是者也  
文人學士曠百世相感過其墟而歔歛焉躑躅焉爲之  
剪除荒翳繕完繕屋焉是又吾人思古之幽情而從隨  
會於九京之極致也顧自宋先生以來風流隕墜又且



百年吾友陶山始作新之賦詩爲圖言詠甚盛自古神聖賢人英特不世出之士有其歿而不亡者於是冢塋祠廟傳聞異辭一再互見雖以典祀之嚴有舉莫廢凡皆以繫後人之思而非必其人之魂魄果有藉乎此也宣公之廟明妃之冢圖經爭之斷斷而通方之家達識之論或有所不欲辨是則陶山之志而余今日所爲書之者矣長洲王芑孫鐵夫跋

表鄭公之門脩言游之廟君子敦崇經術尊異文學式其宅里馨以俎豆上振頽緒下儀方來是之尚已然而名山言立傑閣功成必其彪著區壤提挈纓笏是以太保碑建於詔旨驃騎墓脩於賜金展禽壠在請防百步昌黎碑曳願書萬紙比較著者也明唐六如居士今之人貴之以爲畫師輕之以爲狂士非有功德及物述作壽世片碣之存難擬於峴山崇祠之創奚比夫西河陵谷既遷堂構莫可叙松已翦羣髡逼居然而誦詩論世觀過知仁其放廢可以自全其佯狂可以自潔牧守令長有志易俗以歸潔坊其民以難進范其士豈可令此君名湮而魂餒哉然而灑埽伐石故吏念德流連聚星門生徇知以曠世之感兼本枝之芘尊完圭之節示移俗之準陶山一舉而諸善備焉全椒吳肅山尊跋

金匱秘



圖

譜

卷

嘉慶六年

辛酉冬日



日侍鳴琴暇欣聞緒論頻吾宗在吳會前代有傳人  
高識能觀變清狂迴出塵只求種花地聊寄臥雲身  
孤塚尋幾誤荒庵迹已陳重將數弓闢添築一杯新  
弔古從澆醜憐才好薦蘋儘教游冶客豔說薜蘿春  
城北居原舊溪南路最真訪碑應別薛泛棹或迷津  
尺幅看縈拂鬢齡學染皴天桃開樹樹披對總芳辰

鐫補圖謹題

詞

南仙呂桂枝香

金匱 楊芳燦 蓉裳

周遭花隔萬株桃樹當時人說先生家住紅霞深處記  
春遊石湖春遊石湖錦簇鶯喉嬌語香引蝶魂狂舞儘  
歡娛豔福塵寰少奇才曠代無

前腔

入宮招妬才名相誤任他謠詆蛾眉我自目空千古鬱  
雄心未攄雄心未攄燕麥兔葵無數高唱元都詩句縱  
歌呼持鉢譎姬院風流乞食圖

前腔

元為笑

詞

朱門小住如遊蓬戶偶然識破機關被髮佯狂歸去諷  
金經淨居金經淨居悟徹風花一樹墮溷飄茵無據坐  
圓蒲蓮社圖三笑香龕署六如

前腔

平 標置凌雲揮塵定應跨鶴驂鷲去作芙蓉城主刺  
荆榛廢墟荆榛廢墟花謝幾番紅兩人卧半坏黄土吊  
吳趨熱泪金同盡情禪骨已枯

不是路

夢境模糊少日遊仙九鯉湖心花吐淋漓墨汁灑金壺  
萬緣虛蒿墳鬼唱秋風苦漆炬魂歸夜月孤憑仗著賢

明府不妨華胄遥遥數青山有主松楸深護

皂角兒

拜高原下馬陵孤好禁斷樵蘇十步向斜陽扶起殘碑  
爲第一才人題墓也免得暗燐飛寒雨塌冷鷓鴣哀鴉  
嘯穴穿狐兔香冢深處唵菟有無勸先生歸來花底重  
了詩逋

尾聲

桃花飯熟青春暮我願乞茅庵居住做一箇才子亭邊  
墓大夫

